

Di adelanta y tras di lomba di tur hende:

Gobierno a laga Riu pa kita tur trahador di Grand Hotel!

FTA por cana caminda pa Corte

ORANJESTAD (AAN) – Secretario General di e Federacion di Trahadornan di Aruba (FTA), señor Anselmo Pontilius, a señala dos eronan grandi cometi den e negociacion entre gobierno y e cadena RIU, ora esaki a haya permiso pa opera despues di a cumpra Aruba Grand.

Den entrevista pa Matutino DIARIO, tocante e inhusticia di tipo laboral, unda cu e cadena hotelero aki no ta tumando hende local den servicio, siendo cu nan tabata tin un compromiso di duna prioridad na esnan cu a traha pa Aruba Grand, Pontilius a señala e prome fout.

Pontilius a bisa cu pa cumenza, no mester lubida cu prome cu e doñonan di Aruba Grand a informa cu nan ta bay cera y ta bay bende e propiedad na e cadena RIU, FTA a insisti pa e trahadornan cu e compania tabata tin keda den nan trabao, of en todo caso, pa nan worde emplea directamente na momento cu e hotel keda renova.

Pero esaki no a tuma lugar ya cu gobierno a palabra cu e cadena RIU, for di adelanta, y tras di lomba di tur hende, cu definitivamente e lo duna permiso pa retira tur hende for di trabao, y mas ainda den documentonan cu tin firma, gobierno a bay di acuerdo na un forma sin precedente, pa e

nuebe pa diez funcionnan mas clave di e compania laga nan dicidi, sin haci ningun investigacion si tin Arubianonan califica, locual Pontilius ta sigur ta e caso, despues di 50 aña di experiencia cu nos pais tin den turismo.

Esey ta un di e prome eronan grave cu a ser cometi, segun e sindicalista. E di dos eror ta cu dia 16 di Februari, despues cu e cadena RIU a sinti su mes bao di presion, nan a dirigi un carta na e minister di labor, den cual Hunta di Comisario y director di RIU a garantiza cu nan lo tuma 65 ex-trahador di Aruba Grand den servicio cu sesenta dia di prueba y cu nan lo avisa nan cu tres luna adelanta.

Pero den e caso aki RIU no a cumpli, y di e ex-trahadornan di Aruba Grand cu a bay solicita, FTA tin entendi cu cuatro so a worde tuma den



servicio mientras cu tin un grupo grandi cu ni sikiera a haya contesta riba nan solicitud.

Encuanto e caminda cu e personanan aki tin pa cana, segun Pontilius despues cu dia 20 di Juli cu RIU a habri parcialmente, e presidente di FTA sr. Rudy Geerman a reuni cu e minister di labor dia 1 di Augustus y ayera 27

di augustus, ainda no tin contesta riba kico a pasa.

Den e caso aki conseho di minister a pidi Departamento di Labor pa haci un investigacion y nan a keda di haci esey, y e sindicato ta spera cu den e siman aki ainda nan lo por haya un contesta, pasobra den caso contrario nan lo reuni cu e trahadornan pa evalua si nan proceso legalmente contra e cadena RIU pa e cumpli cu e contenido di e carta cu nan a manda pa gobierno.

Segun Pontilius lo ta

interesante pa Parlamento investiga henter e situacion den RIU, pasobra e lo prueba un biaha mas cu no tin un maneho laboral na Aruba, y cu ta evidente cu a duna privilegio na e compania aki di adelanta, y consecuentemente tin mas cu 130 solicitud di permiso pa hende cu ta bin di afo pa traha den e cadena aki, mientras cu tin un cantidad di hoben cu a caba school y cu por a worde entrena nan for di aña 2006 y duna nan empleo den un cadena hotelero manera esaki.





NOS TA DESEA DI INFORMA CU PA MOTIBONAN FUERA DI NOS ALCANCE E RIFA DI

"THE SUPER DANCERS"

CU MESTER TUMA LUGA DIA 2 DI SEPTEMBER 2007, LO TUMA LUGA DIA 2 DI DECEMBER 2007 POR FAVOR TUMA UN BON NOTA DI ESAKI!!!!

Celebration of 15 aña di existencia
BAN JUDA "THE SUPERDANCERS"
Rifa pa realisa vianan pa representacion di cultura den exterior
"Contribuyendo cu The Superdancers ta contribuyendo cu nos futuro di Aruba."
Premio: UN SCOOTER YAKSIN MARTIAN
Sorteo: Dia 2 September 2007
Conceder ta e e ganador di e premio.
Pa recibí e premio por yama na Tel. 733-2343
Mester tin ticket pa por recibí e premio
Premio ta validu dentro di 3 luna despues di sorteo!!
6661

NADA NO A CAMBIA!!



BEST DEAL

Tel: 5827100

(Pariba di Aruba Bank, Paradera)

Laptop

case

Afl. 35,=

